

Nroog Madison Cheeb Tsam Tsev Kawm Ntawv (MMSD) Tus Txheej Txheem Kev Nce Qib Kev Nce Qib Ntawm Qib 8 Mus

Cov txheej txheem kev nce qib raug txiav txim xyuas los ntawm xeev tsab cai lij choj thiab MMSD tsab cai. Yuav kom tau nce ntawm qib 8 mus rau qib 9 tus me nyuam kawm ntawv yuav tsum duav tau Daim Ntawv Cej Luam Tus Txheej Txheem **los yog** Daim Ntawv Ntsuam Xyuas [Wisconsin Knowledge and Concepts Exam (WKCE)] Tus Txheej Txheem **los yog** kawm tau dhau qhov kev kawm caij ntuj sov uas tsoom fww tsev kawm ntawv tau pom ntawd.

- 1. Daim Ntawv Cej Luam Tus Txheej Txheem:** Thaum kawg ntawm qib 8 tus me nyuam kawm ntawv yuav tsum tau 1.67 qhab nee GPA nyob rau qib 7 thiab qib 8 hauv chav kawm Lus Askiv, chav kawm zauv, chav kawm science thiab chav kawm nywj keeb mas thiaj nce tau mus rau qib 9.
- 2. Daim Ntawv Ntsuam Xyuas [Wisconsin Knowledge and Concepts Exam (WKCE)] Tus Txheej Txheem:** Yog tus me nyuam kawm qib 8 tau qhov qhab nee GPA tsawg dua 1.67 nyob rau ib chav ntawm cov chav ntawv kawm (chav kawm Lus Askiv, chav kawm zauv, chav kawm science thiab chav kawm nywj keeb), tus me nyuam kawm ntawv yuav tsum ua kom tau qhov qhab nee “pib (basic)” los yog siab dua nyob rau Daim WKCE hauv chav ntawd mas thiaj yuav nce tau mus rau qib 9.
- 3. Kev Kawm Caij Ntuj Sov:** Cov me nyuam kawm ntawv uas ua tau tsis duav Daim Ntawv Cej Luam los yog Daim WKCE tus txheej txheem kev nce qib yuav tsum kawm kom dhau tau qhov kev kawm caij ntuj sov uas tsoom fww tsev kawm ntawv tau pom zoo ntawd mas thiaj nce tau mus rau qib 9. Yog kawm tau dhau MMSD chav kawm zauv thaum caij ntuj sov yuav duav tau tus txheej txheem kev kawm zauv xwb. Yog kawm tau dhau MMSD chav kawm lus thaum caij ntuj sov yuav duav tau tus txheej txheem kev kawm lus, kev kawm science, thiab kev kawm nywj keeb tib si.
- 4. Cov Me Nyuam Kawm Ntawv Muaj Kev Nyuab Kawm Tsis Tau:** Pab Neeg Npaj Kev Kawm Rau Qee Leej (IEP) mam txiav txim xyuas rau tus me nyuam kawm ntawv uas muaj kev nyuab kawm tsis tau seb tus me nyuam ntawd qhov kev nce qib puas raug tswj nyob rau hauv MMSD Tus Txheej Txheem Nce Qib los yog tus me nyuam qhov IEP nyob rau hauv plaub chav ntawv kawm.
- 5. Cov Me Nyuam Xyaum Kawm Lus Askiv:** Cov Me Nyuam Xyaum Kawm Lus Askiv uas Paub Lus Askiv Pliag nyob rau Duas 1 los yog 2 yuav raug nce mus rau qib 9. Cov Me Nyuam Xyaum Kawm Lus Askiv uas Paub Lus Askiv Pliag nyob rau Duas 3, 4, los yog 5 thaum pib ntawm lawv qib 8 yuav tsum duav tau tus txheej txheem kev nce qib hauv **chav kawm zauv xwb** ces nce tau mus rau qib 9 lawm. Lawv tsis tas yuav duav taus tus txheej txheem kev nce qib hauv chav kawm Lus Askiv, chav kawm science, los yog chav kawm nywj keeb.

Kev Raug Theem Tseg Hauv Qib 8

Cov me nyuam kawm ntawv uas tsis duav tus txheej txheem kev nce qib yuav tau kawm twj ywm hauv qib 8 kom txog thaum lawv kawm tau tsoom fww tsev kawm ntawv cov ntaub ntawv yuav tau kawm txaus siab tso. Cov me nyuam raug theem tseg rau hauv qib 8 muaj qhov rov kawm dua qib 8 nyob hauv lawv lub tsev kawm ntawv los yog mus kawm rau hauv qhov kev kawm AERO.

Tus me nyuam kawm ntawv raug theem tseg hauv qib 8 uas duav tau tsoom fww tsev kawm ntawv cov ntaub ntawv yuav tau kawm, raws li tus xib fwb thiab tus tuam thawj xib fwb kev hais kom kawm, yuav tsum tau nce qib mus sai li qhov yuav siv tau. Kev tshais rau hauv qhov kev kawm hauv lub tsev kawm ntawv phaj siab yuav ua tau rau thaum lub semester xwb. Cov me nyuam kawm ntawv yuav tsis raug theem tseg rau ob xyoos sib lawv liag.

Kev Mus Tawm Lus Sib Hais

Niam txiv/tus tswj fwm yuav xav mus tawm lus hais txog qhov kev txiav txim siab muab theem tseg no rau Tus Pab Tuam Thawj Tuav Tsev Kawm Ntawv hauv Cov Tsev Kawm Ntawv Phaj Siab los tau.

Tus Txheej Txheem Leg Hauv Lwm

- Hais txog cov me nyuam kawm ntawv qib 8 uas tuaj nkag rau hauv cheeb tsam tsev kawm ntawv tsis muaj cov ntaub ntawv los yog muaj tsis txhij, tus xib fwb thiab tus tuam thawj xib fwb kuj yuav muab nce qib mus raws qhov paub cov chav ntawv kawm zoo. Kev yuav kom muab nce qib mus yuav tsum raug pom zoo los ntawm Tus Pab Tuam Thawj Tuav Tsev Kawm Ntawv hauv Cov Tsev Kawm Ntawv Phaj Siab.
- Txhua tus me nyuam kawm ntawv qib 8 tuaj nkag rau hauv tsev kawm ntawv thaum lub quarter tib 4 yuav raug nce qib mus.
- Cov GPAs thiab cov ntawv cej luam los ntawm lwm qhov cheeb tsam tsev kawm ntawv yuav raug muab siv los xyuas seb puas duav tau tus txheej txheem kev nce qib.
- Tsis muaj lwm daim ntawv ntsuam xyuas rau cov me nyuam kawm ntawv es muab pauv rau daim WKCE kom qhia tau qhov kev paub lus Askiv npliag/chav kawm lus, chav kawm zauv, chav kawm science, los yog chav kawm nywj keeb.

Yog nej muaj lus nug txog tus txheej txheem kev nce qib, thov hu mus rau nej tus me nyuam kawm ntawv tus tuam thawj xib fwb.